



Gyda chymorth
Cronfa Dreftadaeth y Loteri
Supported by the Heritage Lottery Fund

Ariannwyd y gwaith gan Gronfa Dreftadaeth y Loteri, Swyddfa Cronfa Cymru yn Ewrop a'r Ymddiriedolaeth Genedlaethol.

Arolwg Geoffisegol, Parc Dinefwr gan Stratascan



Cyflwyniad

Yn ystod



ddarganfuwyd y Gaer Rhufeinig yn y rhan ddwyreiniol o Barc Dinefwr. Yn wir, drwy'r gwaith, a'r defnydd o offer arbenigol geoffisegol, fe welwyd fod presenoldeb nid yn unig un, ond dwy Gaer Rhufeinig yno, yn orgyffwrdd, ac o wahanol dyddiadau. Gwelwyd bod y rhain yn gysylltiedig gyda ffyrdd ac aneddiadau i bobl. Prin iawn yw'r olion gweladwy a adawyd ar ôl y strwythurau yma.

Mae'r gwaith archeolegol dan ofal Archeoleg Cambria ac yr Ymddiriedolaeth Genedlaethol yn ffurfio rhan o brosiect llawer ehangach gan yr Ymddiriedolaeth gyda'r bwriad o adfer y tirlun a ddyluniwyd ym Mharc Dinefwr. Bydd hwn yn adnewyddu y tirlun naturiol a hwyluso mynediad i bawb.

arolwg archeolegol yn 2003 fe

Caer Rhufeinig Llandeilo, Parc Dinefwr

Newyddlen Mehefin— Gorffennaf 2006



Cloddiad cymharol fach yw hwn ac fe fydd ond yn cyffwrdd â wyneb darganfyddiad mawr archeolegol. Y gobaith yw y bydd yn ddechreuad o archwiliad ehangach am ddylanwad y Rhufeiniad yn Nyffryn Tywi.

Diolch am eich cefnogaeth

Ewch i www.cambria.org.uk am rhagor o fanylion



Mae'r darlun hwn sydd wedi'i baentio gan Neil Ludlow yn rhoi syniad i ni o sut oedd yr ail gaer o bosib yn edrych tua AD 100. Erbyn y cyfnod hwn roedd y gaer fawr wedi'i gadael. Serch hynny, mae'n bosib fod rhan o amddiffynfeydd y gaer gynharach hon wedi'u hail ddefnyddio fel anecs amddiffynnol oedd ynghlwm wrth y gaer leiaf. Mae'n ymddangos ei fod wedi'i ddefnyddio ar gyfer gweithgareddau diwydiannol ar raddfa fechan. Mae'r ail gread yn dangos cynllun y barics ac adeiladau milwrol eraill sydd y tu fewn i

amddiffynfeydd y gaer ei hunan yn ogystal â'r adeiladau llai ffurfiol sydd yn y ficws. Wrth ymyl y ficws mae yna amgaead bychan a ddefnyddiwyd gan filwyr er mwyn ymarfer tactegau. Mae'r gaer wedi'i hadeiladu ar dirwedd a oedd cynt wedi'i rhannu i mewn i gaeau bach o'r Oes Haearn. Mae o leiaf un ffem amddiffynnol o'r Oes Haearn wedi'i dynodi o fewn Parc Dinefwr ac mae'n bosib fod yna ail yn yr ardal lle adeiladwyd y castell canoloesol yn ddiweddarach.

Y Gaer yn AD100

Cynllun Caerau Llandeilo

Roedd y gaer gyntaf llawer yn fwy na'r gaer ddiweddarach ac o bosib roedd yn gartref i uned fawr filwrol, efallai yn atodiad llengol. Os felly, mae presenoldeb uned mor fawr mor bell i'r gorllewin yn awgrymu gwrthwynebiad ffyrnig iawn i'r feddiannaeth Rufeinig. Nid ydym yn gwybod eto pryd y sefydlwyd y gaer gynnar yma a pham y gadawyd yn wag. Hefyd, nid ydym yn gwybod eto pryd yr adeiladwyd yr ail gaer, er o bosib roedd ynghanol 70au AD.

Roedd y gaer ddiweddaraf yn un llawer yn llai ac o bosib yn gartref i uned gynorthwyol neu fintai yn cynnwys tua 500 o filwyr traed.

Drwy'r arolwg geoffisegol rydym wedi derbyn llawer o wybodaeth am gynllun y gaer ddiweddaraf yn Llandeilo. Amgylchynwyd y gaer gan drefniant o amddiffynfeydd trawiadol yn cynnwys o leiaf tri threfniant sylweddol o ffosydd mewn ffurf V a rhagfuriau. Ar hyd y top byddai palisâd o bren o fewn y rhagfur mewnlol ac ynddo cyfres o dyrrau sgwâr wedi'u gosod, a'r pellter yn gyfartal rhyngddynt. Ar bob ochr i'r pedwar mynediad i'r gaer byddai porthdai anferth pren. Roedd yr amddiffynfeydd yn cwmpasu ardal o gwmpas 150 m o hyd a 100m o led; sef yn gyfystyr â dau gae rygbi ochr wrth ochr.



Ar y tu mewn byddai patrwm grid o heolydd, yn rhannu mewn i flodau o adeiladau, yn cynnwys gwerylltai, ysguboriau, a storffeydd eraill.



Carenza Lewis o'r rhaglen deledu 'Time Team' a'r llestr corfflogiad a ddarganfyddwyd ar ddydd cyntaf y cloddiad

Yng nghanol y gaer, yn wynebu y prif borth, roedd adeilad y pencadlys neu Principia ac ochr yn ochr â hwn fyddai tŷ y Pennaeth milwrol.

Awgrymir gan yr astudiaeth geoffisegol taw ar bob ochr i'r heol, yn agosáu at y prif fynedfa, roedd cyfres o adeiladau pren eraill. Efallai taw annedd fach sifil oedd yma – vicus. Byddai caerau garsiwn yn aml yn denu aneddiadau anffurfiol, gan i aelodau o'r boblogaeth frodorol fanteisio ar bresenoldeb grŵp o filwyr Rhufeinig a oedd yn derbyn cyflog da ac yn bell o'u cartrefi. Mae'r aneddiadau yma yn cynnig cyfle arbennig i astudio natur y cyfathrebu cyntaf, heb wrthdaro a brwydro, rhwng y boblogaeth gynhenid a'r meddianwyr Rhufeinig.

Er y gallwn dderbyn llawer o wybodaeth drwy'r arolwg geoffisegol, ond drwy gloddiad y profir yr awgrymiadau yma. Drwy'r cloddiad hefyd fe gawn y dystiolaeth dyddio tyngedfennol, damau o arian, a chrochenwaith, a fydd efallai yn cadarnhau pryd yr adeiladwyd y caerau, a phryd yr ymadawyd a hwy.

Cloddiad 2005

Ymgwymerwyd â chloddiad bach tair wythnos o hyd ym mis Gorffennaf 2005. Archwiliwyd un o'r mynedfeydd i mewn i'r gaer gynharaf, rhan o du fewn y gaer



hwyrfa gan archwilio ardal yr anheddiad neu ficws. Darganfuwyd nifer fawr o

grochenwaith a gwydr Rhufeinig ynghyd â deunydd arall y gellir ei ddyddio. Mae hyn yn cadarnhau ein cred wreiddiol fod yna bobl yn byw yn y caerau ar ddiwedd y ganrif gyntaf AD a dechrau'r ail ganrif AD.

Wnaeth Time Team, Sianel 4 ddarlledu yn fyw o'r cloddiad ar nosweithiau'r 2il a'r 3ydd o Orffennaf 2005 fel rhan o wythnos y 'Big Roman Dig'. Cynigiwyd cyfle unigryw i aelodau o'r cyhoedd ac ysgolion lleol a cholegau fod yn rhan o gyffro darganfyddiadau archaeolegol. Wnaeth Archaeoleg Cambria a'r Ymddiriedolaeth Genedlaethol gynnig cyfle i rai sydd am ennill hyfforddiant mewn technegau archaeolegol ac i rai sydd am gymryd rhan am gyfnod byr fel cyflwyniad i'r broses o gloddiad. Trefnwyd digwyddiadau addysgol ac ymweliadau gan ysgolion lleol.

Y crochenwaith o'r cloddiad

Mae'r crochenwaith yn cynnwys llestri bwrdd hardd Samian o Gâl, amffora i gario gwin ac olew'r olewydd o'r Eidal a Sbaen, a mortaria er mwyn cymysgu a pharatoi bwyd. Y llestr sydd wedi cadw orau yw pot cyfan yn dyddio o ddechrau'r ail ganrif AD. Mae'n ymddangos i'r pot hwn gael ei gladdu'n fwriadol y tu fewn i'r ail gaer, o bosib wedi iddo gael ei ddigomisiynu ac wedi i'r milwyr adael. Cafodd y llestr ei wneud yn ardal Malvern yn Swydd Gaerwrangon ac efallai yn wreiddiol fe'i defnyddiwyd i gadw halen.



Ni wyddwn pam y cafodd ei gladdu yn gyfan yng nghanol y gaer er efallai roedd yna rywbeth organig ynddo sydd wedi pydru ers hynny.